

MEWN PARTNERIAETH

Gwanwyn 2018

Ychwanegu Gwerth drwy Bartneriaeth

Yr Academi Gyllid yn cynnal cynhadledd uchel ei bri ar gyfer staff cyllid yng Nghymru

Lansio fframwaith â chefnogaeth PCGC ar gyfer gweithlu meddygol GIG Cymru

Y Tîm Datrysiaidau Digidol yn cynnal cynhadledd genedlaethol



Lansio Canllawiau Iechyd a Lles newydd ar gyfer GIG Cymru

Mae canllawiau newydd am Iechyd a Lles wedi eu datblygu am y tro cyntaf gan staff GIG Cymru, trwy gydweithio â'r Undebau Llafur.



Gwasanaethau Gofal Sylfaenol yn cadw dyfarniad Rhagoriaeth mewn Gwasanaethau Cwsmeriaid

Gwasanaethau Gofal Sylfaenol yn cwblhau eu hasesiad deuddydd yn llwyddiannus.



GIG
CYMRU
NHS
WALES

Partneriaeth
Cydwasaethau
Shared Services
Partnership



- 04 Lansio Canllawiau Iechyd a Lles newydd ar gyfer GIG Cymru
- 06 Gweithdy'r Pwyllgor Archwilio: Datblygu Fframwaith Sicrwydd ar gyfer y Bwrdd
- 07 Gwasanaethau Gofal Sylfaenol yn cadw dyfarniad Rhagoriaeth mewn Gwasanaethau Cwsmeriaid
- 08 Lansio fframwaith â chefnogaeth PCGC ar gyfer gweithlu meddygol GIG Cymru
- 09 Dathlu Pen-blwydd y GIG yn 70 oed
- 10 Cydweithwyr yng Ngwasanaethau Gofal Sylfaenol yn llwyddo i ddatblygu eu sgiliau TG
- 11 Sefydlu Labordy Cathetreiddio symudol ym Mwrdd Iechyd Prifysgol Hywel Dda
- 11 Rhwydwaith 75 yn cynnal digwyddiad '100'
- 12 Yr Academi Gyllid yn cynnal cynhadledd uchel ei bri ar gyfer staff cyllid yng Nghymru
- 14 Y Labordy Profi Dyfeisiau Llawfeddygol yn llwyddo i gadw ei achrediad
- 15 Y Tîm Datrysiadau Digidol yn cynnal cynhadledd genedlaethol
- 16 Gwasanaethau Caffael yn cynorthwyo ag Uned SuRNICC yn Ysbyty Glan Clwyd
- 17 Llwyddo i Ennill Ardystiad Safon Rheoli Ansawdd ISO 9001
- 18 Caffael Ar Sail Gwerth
- 20 Ambiwylans Awyr Cymru yn ymweld â'r pencadlys yn Nantgarw
- 21 Cyflwyno Tîm Cynnal a Chadw Cymru Gyfan
- 22 Gwasanaethau Caffael yn helpu i gaffael system arddweud digidol ym Mwrdd Iechyd Caerdydd a'r Fro
- 23 Llongyfarchiadau ar eich ymddeoliad
- 23 Gwasanaethau Caffael yn cefnogi'r gwaith o adeiladu Ysbyty Athrofaol Llanfrechfa
- 24 Gwasanaethau Caffael yn cefnogi'r Academi Newydd i hyfforddi'r genhedlaeth nesaf o radiolegwyr

CROESO

i 'Mewn Partneriaeth', y cylchgrawn ar gyfer Ein Staff, y Byrddau Iechyd a'r Ymddiriedolaethau.

Nod y cyhoeddiad hwn yw taflu goleuni ar sut y mae Partneriaeth Cydwasanaethau GIG Cymru (PCGC) wedi cyflawni dros y Byrddau Iechyd ac Ymddiriedolaethau ledled Cymru yn ddiweddar.

Yn rhifyn y gwanwyn hwn, byddwn yn canolbwyntio ar gydweithio yn GIG Cymru, gan ddangos sut mae Staff y Bartneriaeth yn ymdrechu i gefnogi eraill. Mae un o erthyglau pwysicaf y mis hwn yn cydnabod pwysigrwydd iechyd a lles staff. Mae PCGC wedi cydweithio ag undebau llafur, Byrddau Iechyd ac Ymddiriedolaethau i lunio canllawiau iechyd a lles i GIG Cymru. Mae'r canllawiau hyn wedi eu datblygu er mwyn helpu staff cynorthwyl a rheolwyr i wneud dewisiadau gwell o ran eu hiechyd a'u lles, gan ddefnyddio ffynonellau o wybodaeth a chanllawiau cydnabyddedig megis y 'Meddwl' a'r 'Pum Ffordd at Les'. Bydd y canllawiau newydd yn cefnogi lles ein gweithlu ac yn helpu'n staff ni i deimlo'n ddiogel a'u bod yn cael eu gwerthfawrogi.

Roedd lansiad diweddar fframwaith Gofalu'n Gyda'n Gilydd hefyd yn ffrwyth cydweithio. Datblygodd Grŵp Strategol Gweithlu Meddygol Cymru'r fframwaith ar ran Prif Weithredwyr sefydliadau GIG Cymru. Mae'r fframwaith yn amlinellu'r hyn y gall meddygon ei ddisgwyl wrth hyfforddi a gweithio yn GIG Cymru trwy gydol eu gyrfaedd, ynghyd ag amlinellu'r hyn sy'n ddisgwyliedig gan y meddygon eu hunain.

Mae'n bleser cael nodi bod Gwasanaethau Gofal Sylfaenol wedi cwblhau eu hasesiad deuddydd blynyddol yn llwyddiannus ar gyfer Safon Rhagoriaeth mewn Gwasanaethau Cwsmeriaid y Llywodraeth.

Roedd adborth yr asesydd yn gadarnhaol iawn, ac mae'n dda gweld bod Gwasanaethau Gofal Sylfaenol wedi dangos unwaith eto eu hymrwymiad i ragoriaeth mewn gwasanaethau cwsmeriaid.

Rydw i hefyd yn falch iawn o gyhoeddi bod Tîm Cynnal a Chadw Cymru Gyfan wedi ei sefydlu, a fydd yn mynd i'r afael â phob agwedd ar gaffael ym maes cynnal a chadw. Bydd y tîm yn mynd ati'n rhagweithiol i reoli contractau cynnal a chadw, gan weithio gyda chwsmeriaid i gytuno ar ofynion a sicrhau gwerth am arian.



Roedd staff PCGC wrth eu bodd yn clywed cyflwyniad llawn gwybodaeth gan Catrin Hall, Cydlynnydd Cymunedol Gwasanaeth Ambiwlans Awyr Cymru. Yn y cyflwyniad trafodwyd hanes y gwasanaeth, ei waith ar hyn o bryd a'i gynlluniau ar gyfer dyfodol. Dangosodd Catrin pa mor amhrisiadwy mae'r gwasanaeth i'r rhai sy'n ei ddefnyddio, ac rydym ni'n edrych ymlaen at weithio gyda'r Gwasanaeth Ambiwlans Awyr yn y dyfodol.

Byddwn hefyd yn adlewyrchu ar weithdy a gynhaliwyd yn ddiweddar gan rwydwaith yr Ysgrifenyddion Bwrdd i hybu trafodaeth rhwng Grŵp Cadeiryddion Pwyllgorau Archwilio'r GIG Cymru Gyfan a Rhwydwaith Cyfarwyddwyr Llywodraethu/Ysgrifenyddion Bwrdd Cymru Gyfan. Nod y gweithdy oedd i bob parti gytuno ar set o egwyddorion craidd fel bod modd datblygu Fframwaith Sicrwydd Bwrdd ar gyfer y Byrddau â chyfraniadau o bob rhan o Gymru.

Yn olaf, bydd 2018 yn 70fed pen-blwydd y GIG, a sefydlwyd ar 5 Gorffennaf 1948. Cadwch lygad felly am wybodaeth am ei 70fed pen-blwydd ac am y dathliadau a digwyddiadau yn PCGC a thu hwnt, hyd at 5 Gorffennaf.

Neil Frow
Rheolwr Gyfarwyddwr



[@NWSSP](https://twitter.com/NWSSP)




[PCGC](https://www.linkedin.com/company/pcgc)



[PCGC](https://www.youtube.com/channel/UCqGK8v8v8v8v8v8v8v8v8v8)

Lansio Canllawiau Iechyd a Lles newydd ar gyfer GIG Cymru



GIG
CYMRU
NHS
WALES



Mae canllawiau Iechyd a Lles newydd wedi eu datblygu am y tro cyntaf gan staff GIG Cymru, trwy gydweithio ag undebau llafur.

Mae'r canllawiau yn helpu staff i ddod o hyd i wybodaeth ac adnoddau i'w galluogi i wneud dewisiadau gwell o ran eu hiechyd a'u lles ac iechyd a lles pobl eraill.

Mae'r canllawiau wedi eu datblygu i helpu staff cymorth a rheolwyr i ddod o hyd i gymorth ynghylch sut i wneud gwell dewisiadau o ran eu hiechyd a'u lles, gan ddefnyddio ffynonellau o wybodaeth a chanllawiau cydnabyddedig megis y 'Meddwl' a'r 'Pum Ffordd at Les'.

Meddai Claire Smith, Gwasanaethau'r Gweithlu, Addysg a Datblygu, PCGG:

"Gan ddefnyddio egwyddor cyd-gynhyrchu Gofal Iechyd Darbodus, nod y canllawiau yw bod pawb yn cymryd cyfrifoldeb dros ei iechyd a'i les ei hun ac iechyd a lles pobl eraill".


Mae GIG Cymru yn ymrwymedig i annog staff i wella'u hiechyd a'u lles ac mae'n cydnabod bod staff yn fodelau rôl i'r gymuned maent yn ei gwasanaethu, trwy hyrwyddo iechyd da ac atal iechyd gwael.

Mae GIG Cymru yn credu bod gan reolwyr a gweithwyr unigol gyfrifoldeb ar y cyd i weithio gyda'i gilydd i annog dulliau o fyw a dewisiadau sy'n iachach, ac i gefnogi ei gilydd yn y gweithle.





Arweinwyr Lles a chyfranogwyr o bob rhan o GIG Cymru yn y lansiad



Sarah Morley, Cyfarwyddwr Datblygu Sefydliadol a'r Gweithlu, Ymddiriedolaeth GIG Felindre



Rob Blake o Fwrdd Iechyd Prifysgol Hywel Dda

Meddai Sarah Morley, Cadeirydd Bwrdd Rhaglen Iechyd a Lles GIG Cymru:

"Rwy'n falch o weld y rhain yn cael eu lansio gan eu bod yn cefnogi un o egwyddorion craidd GIG Cymru, sef gwerthfawrogi pawb sy'n gweithio i'r GIG. Mae lles ein gweithlu yn hanfodol i'r gwaith o ddarparu gofal effeithiol i gleifion, felly byddwn yn ymdrechu i annog boddhad yn y gwaith. Bydd hyn yn gwneud i'n staff deimlo'n ddiogel a'u bod yn cael eu gwerthfawrogi, yn y gobaith o gefnogi'u lles".



Meddai James Moore, Cadeirydd Rhwydwaith Iechyd a Lles Cymru Gyfan y GIG:

"Rydym wedi creu dau gynnyrch sydd wedi eu profi'n eang, ac rydym wedi ceisio adborth gan ein cydweithwyr arnynt hefyd. Rydym wedi creu'r lansiad hwn yn rhan o'n gwaith i feithrin perchnogaeth dros wella lles a byddwn yn parhau i fonitro effaith y cynhyrchion ac yn gwella arnynt dros amser".

Gweithdy'r Pwyllgor Archwilio: Datblygu Fframwaith Sicrwydd ar gyfer y Bwrdd

Cydweithwyr wrthi'n trafod yr egwyddorion er mwyn datblygu dull gweithredu Cymru Gyfan o lunio Fframwaith Sicrwydd Bwrdd i'r Byrddau.



Ar 12 Ionawr 2018, cynhaliodd rhwydwaith yr Ysgrifenyddion Bwrdd weithdy yn Swyddfa Archwilio Cymru yng Nghaerdydd er mwyn hybu trafodaeth rhwng Grŵp Cadeiryddion Pwyllgorau Archwilio'r GIG Cymru Gyfan a Rhwydwaith Cyfarwyddwyr Llywodraethu/Ysgrifenyddion Bwrdd Cymru Gyfan.

Nod y gweithdy oedd i bob parti gytuno ar set o egwyddorion craidd fel bod modd datblygu Fframwaith Sicrwydd Bwrdd ar gyfer y Byrddau â chyfraniadau o bob rhan o Gymru.

Roedd y gweithdy yn gyfle i rannu arfer da a nodi meysydd lle roedd angen sicrwydd. Cafwyd cyfraniadau gan y canlynol:

- Trafododd Mr Ceri Stradling, Cadeirydd Pwyllgor Archwilio Bwrdd Iechyd Betsi Cadwaladr, Fframwaith Sicrwydd Bwrdd y sefydliad, ei fap fframwaith a'i gofrestr risg gorfforaethol, gan ei gyfyngu'i hun i un dudalen.
- Trafododd Dr Chris Turner, Cadeirydd Bwrdd Iechyd Cwm Taf, a Robert Williams, Cyfarwyddwr Gwasanaethau Corfforaethol/Ysgrifennydd Bwrdd, sut maent wedi bod yn datblygu eu strategaethau rheoli risg er 2014, a sut yr aethant ati i ddatblygu Fframwaith Sicrwydd Bwrdd.

- Trafododd Carol Mosely a Dave Thomas o Swyddfa Archwilio Cymru yr adborth o'r asesiadau strwythuredig Cymru Gyfan oedd yn berthnasol i'r Fframweithiau Sicrwydd Bwrdd.
- Trafododd Simon Cookson, Cyfarwyddwr Archwilio a Sicrwydd PCGC a Peter Stephenson, Pennaeth Cyllid a Gwella Busnes PCGC, ddull PCGC o lunio mapiau sicrwydd gan ddefnyddio model tair llinell o amddiffyn, y cysylltiad rhwng mapiau sicrwydd ar gyfer cyfarwyddiaethau unigol a'r Gofrestr Risg Gorfforaethol a sut mae PCGC yn rheoli derbynioldeb risg a goddefiant risg.

Cynhaliwyd trafodaethau mewn grwpiau yn y gweithdy hefyd, lle ystyriwyd pwysigrwydd sganio'r gorwel er mwyn nodi a allai ffactorau o'r cydestun ehangach effeithio ar y weledigaeth hirdymor, sut y dylid alinio meysydd risg uchel â chynlluniau archwilio mewnol, pwysigrwydd ymgysylltu rhwng aelodau annibynnol a chyfarwyddwyr, a'r angen am sesiynau datblygu bwrdd i ganolbwyntio ar gysylltu amcanion â risgiau.

Cadarnhaodd adborth o'r grwpiau trafod bwysigrwydd meddu ar Fframwaith Sicrwydd Bwrdd sydd â set o egwyddorion craidd y mae cyrrff y GIG wedi eu halinio â nhw.

Meddai Martin Veale, Cadeirydd Pwyllgor Archwilio'r Bartneriaeth Cydwasanaethau (PCGC) a gymerodd ran yn y digwyddiad:

"Roedd y gweithdy yn gyfle i feddwl am sut mae modd cadarnhau ein bod yn gwneud y pethau iawn, ac yn eu gwneud yn dda. Mae Pwyllgorau Archwilio yn ceisio sicrwydd, ar ran y Bwrdd a'r Prif Weithredwr, fod systemau da o reolaeth fewnol ar waith.

Yn ei hanfod, mae Fframwaith Sicrwydd Bwrdd yn dwyn ynghyd yr holl waith da sydd ar y gweill mewn un fframwaith unigol, ar y cyd â chanfod unrhyw fannau gwan o ran sicrwydd.

Y fframwaith hwn, ynghyd â dealltwriaeth glir o'n hamcanion strategol a'r risgiau yr ydym yn eu hwynebu, yw'r prif ddull o sicrhau bod y sefydliad yn cael ei redeg yn dda."

Gwasanaethau Gofal Sylfaenol yn cadw dyfarniad Rhagoriaeth mewn Gwasanaethau Cwsmeriaid

Mae cyfarwyddiaeth Gwasanaethau Gofal Sylfaenol wedi cwblhau ei hasesiad deuddydd blynyddol yn llwyddiannus ar gyfer Safon Rhagoriaeth mewn Gwasanaethau Cwsmeriaid y Llywodraeth.

Yn amodol ar gadarnhad gan y corff dyfarnu, bydd Gwasanaethau Gofal Sylfaenol yn cadw'r dyfarniad a bydd wedi cydymffurfio'n llawn ymhob un o'r meysydd. Yn ogystal, a chan adeiladu ar y canlyniadau a gafwyd y llynedd, mae'n debygol y bydd y gyfarwyddiaeth yn ennill statws 'Compliance Plus' mewn nifer o gategoriâu asesu.

Thema fawr yr asesiad eleni oedd datblygiad gwasanaeth Cofnodion Meddygol Cleifion y mae Gwasanaethau Gofal Sylfaenol yn ei ddarparu. Roedd yr asesydd yn falch iawn o'r cynnydd hyd yma, ac ymwelodd â dwy ganolfan sy'n darparu gwasanaeth Cofnodion Meddygol Cleifion yn Ystrad Mynach a Phorth Tywyn.

Meddai Cyfarwyddwr Gwasanaethau Gofal Sylfaenol Dave Hopkins:

"Roedd adborth yr asesydd yn gadarnhaol iawn, ac rwy'n hynod o falch bod y Gwasanaethau wedi dangos unwaith eto eu bod yn ymrwymedig i ragoriaeth mewn gwasanaethau cwsmeriaid.

Hoffwn ddiolch i'r staff cymorth busnes a gynorthwyodd yr asesydd, yn enwedig o ran Cofnodion Meddygol Cleifion, ac i bawb a wnaeth argraff. Mae hyn wedi galluogi'r Gwasanaethau i gadw'r dyfarniad a llwyddo yn yr asesiad".

Beth yw Safon Rhagoriaeth mewn Gwasanaethau Cwsmeriaid?

Mae'r Llywodraeth am i wasanaethau rymuso defnyddwyr a bod yn effeithlon, effeithiol, rhagorol a theg - gyda'r defnyddiwr bob tro wrth wraidd darparu gwasanaethau. Gyda hyn mewn golwg, datblygwyd Rhagoriaeth mewn Gwasanaethau Cwsmeriaid fel bod gan sefydliadau ddull ymarferol o gyflwyno newidiadau mewn modd sy'n canolbwyntio ar y cwsmer.

Mae Safon Rhagoriaeth mewn Gwasanaethau Cwsmeriaid yn asesu'n drylwyr y meysydd hynny sydd yn ôl ymchwil yn flaenoriaeth i gwsmeriaid, ac mae'n canolbwyntio ar ddarparu gwasanaethau, prydlondeb, gwybodaeth, proffesiynoldeb ac agwedd staff. Mae pwyslais hefyd ar ddeall cwsmeriaid, deall profiad y cwsmer a mesur bodlonrwydd â gwasanaethau yn drylwyr.

CUSTOMER
SERVICE
EXCELLENCE



Lansio fframwaith a gefnogir gan PCGC ar gyfer gweithlu meddygol GIG Cymru



Chwarae'r
fideo



Mis Hydref 2017

Gofalu Gyda'n Gilydd

Fframwaith ar gyfer datblygu'r gweithlu meddygol yng Nghymru



Rhagor o wybodaeth
Am ragor o wybodaeth yn ymwneud â Gofalu Gyda'n Gilydd, cysylltwch â Clem Price:
clem.price@wales.nhs.uk

Mae Fframwaith Gofalu Gyda'n Gilydd ar gael i'w lawrlwytho, yn Gymraeg a Saesneg, o wefan Cydffederasiwn [GIG Cymru](http://GIG.Cymru).

Mae fideo sy'n disgrifio Gofalu Gyda'n Gilydd yn fanwl ar gael ar sianel YouTube swyddogol PCGC [yma](https://www.youtube.com/PCGC).



Cafodd fframwaith Gofalu Gyda'n Gilydd ei lansio'n ddiweddar yng nghynhadledd flynyddol Cydffederasiwn GIG Cymru yng Nghaerdydd.

Â chefnogaeth rhanddeiliaid yng Ngwasanaethau'r Gweithlu, Addysg a Datblygu, mae Gofalu Gyda'n Gilydd yn fframwaith newydd ar gyfer gweithlu meddygol GIG Cymru. Cafodd y fframwaith ei ddatblygu ar ran Prif Weithredwyr sefydliadau GIG Cymru hefyd gan Grŵp Strategol Gweithlu Meddygol Cymru, a hynny trwy gyfres o ddigwyddiadau ymgysylltu â staff meddygol a rhanddeiliaid pwysig eraill o bob cwr o Gymru.

Mae'r fframwaith hefyd yn amlinellu'r hyn y gall meddygon ei ddisgwyl wrth hyfforddi a gweithio yn GIG Cymru trwy gydol eu gyrfa, ynghyd â'r hyn sy'n ddisgwyliedig ganddynt hwy. Trwy ymgysylltu'n helaeth, daeth wyth Prif Thema i'r amlwg.

Roedd yr wyth Prif Thema yn cynnwys y canlynol:

- Thema 1: *Gofalu gyda'r claf ac o'i gwmpas*
- Thema 2: *Gweithlu meddygol wedi'i ymgysylltu a'i rymuso*
- Thema 3: *iechyd a gofal cymdeithasol digidol*
- Thema 4: *Arweinyddiaeth ddeinamig*
- Thema 5: *Addysg feddygol ragorol a datblygiad parhaus*
- Thema 6: *Gweithlu meddygol cynaliadwy sydd wedi'i drawsnewid*
- Thema 7: *Hybu gyrfa ac ehangu mynediad*
- Thema 8: *Gweithio mewn timau amlddisgyblaeth arloesol*

Meddai Tracy Myhill, Prif Weithredwr Bwrdd Iechyd Prifysgol Abertawe Bro Morgannwg a Phrif Weithredwr Arweiniol ar gyfer y Gweithlu (yn y llun isod):

"Mae'r fframwaith yn tystio i ymrwymiad GIG Cymru nid yn unig i'n meddygon presennol ond i feddygon y dyfodol hefyd, trwy ei berthynas gref ag Egwyddorion Craidd GIG Cymru. Mae hefyd yn dangos bod ymrwymiad i nodau llesiant Deddf Llesiant Cenedlaethau'r Dyfodol (Cymru)."



Tracy Myhill

Dathlu Pen-blwydd y **GIG** yn 70 oed

Bydd y GIG yn 70 mlwydd oed ar 5 Gorffennaf 2018. Mae'n gyfle i PCGC ddathlu cyflawniadau un o hoff sefydliadau'r genedl, i edrych ar yr ystod eang o gyfleoedd sydd wrthi'n cael eu creu gan ddatblygiadau ym meysydd gwyddoniaeth, technoleg a gwybodaeth, ac i ddweud diolch i'r staff sydd bob tro yno yn gweithio'n galed ag ymroddiad, er mwyn cadw olwynion GIG Cymru yn troi.

Pan lansiodd yr Ysgrifennydd Iechyd Aneurin Bevan (yn y llun) y GIG yn ysbyty Park, Manceinion, roedd yn benllanw ar gynllun hynod o uchelgeisiol i ddarparu gofal iechyd da i bawb. Am y tro cyntaf erioed, daeth meddygon, nyrsys, fferyllwyr, optegwyr a deintyddion oll ynghyd o dan un sefydliad ymbarél i ddarparu gwasanaethau a fyddai am ddim i bawb yn y man darparu.

Y GIG yw cyflogwr mwyaf y DU, gyda thros **1.5 miliwn o staff** o bob cwr o'r byd a chyda thros **350** o yrfaoedd gwahanol. Mae GIG Cymru yn cyflogi dros **72,000** o'r gweithlu ymroddedig hwn, ac mae PCGC yn cyflogi bron i **2,000** o'r rhain. Mae gan PCGC ran i'w chwarae wrth ddyrannu **95%** o gyllideb GIG Cymru, a hi sy'n cynnal y GIG ledled y genedl.


Rydym ni oll yn falch o'n Gwasanaeth Iechyd Gwladol. Mae wedi sicrhau datblygiadau meddygol anferthol ac wedi gwella iechyd y cyhoedd yn sylweddol. O'r herwydd, gallwn ni oll ddisgwyl byw'n hirach. Oherwydd y GIG mae clefydau megis polio a difftheria wedi diflannu o'r tir fwy neu lai, ac mae wedi arloesi gyda thriniaethau newydd megis trawsblaniadau afu, calon ac ysgyfaint cyntaf y byd. Mae'r GIG yn parhau i hybu arloesedd mewn gofal cleifion ac mae triniaethau megis llygaid bionig i adfer golwg a llwyddiannau llawfeddygol sy'n torri tir newydd megis trawsblaniadau llaw, yn enghreifftiau o hyn.

Wrth edrych ymlaen, mae'r GIG yn mynd yn fwyfwy integredig ac mae'n buddsoddi mewn meddyginiaethau newydd, ymchwil genetig a thechnolegau digidol fel apiau a deallusrwydd artifisial, a fydd oll yn sicrhau y byddwn yn byw bywydau hirach ac iachach.

Dathliadau

Byddwn yn ymgysylltu â'n staff ac yn rhoi cyhoeddusrwydd i nifer o themâu a naratifau hyd at ac yn cynnwys y 5ed o Orffennaf, gan ddefnyddio'n sianelau cyfathrebu ni.

Bydd ein dathliadau o 70fed Pen-blwydd y GIG yn dechrau ym mis Chwefror 2018 ac yn cyrraedd eu huchafbwynt ar 5 Gorffennaf!



Y daflen wreiddiol gan y GIG a anfonwyd i boblogaeth y DU ym 1948.



O'r chwith: Andrew Lever, Joanne Brenton, Amanda Legge, Sandrine Boucle, James Goddard, Craig Nelson, Matthew Wallace, Sarah Jones, Janice Tyler a Louise Hutchings

Cydweithwyr yng Ngwasanaethau Gofal Sylfaenol yn llwyddo i ddatblygu eu sgiliau TG

Er 2011, mae naw aelod o Dîm Gwella Gwasanaethau

Gwasanaethau Gofal Sylfaenol, a rhai aelodau o staff o Wasanaethau Trafodol, wedi cwblhau cyfres o fodiwlau hyfforddiant sydd wedi eu hachredu gan y diwydiant TG, ynghyd â sefyll arholiadau ym maes proffesiynol Dadansoddi Busnes.



Mae'r modiwlau hyn wedi trafod pynciau megis Ymarfer Dadansoddi Busnes, Newid Busnes, Rheoli Manteision a Llundio Gofynion (*Requirements Engineering*). Mae'r rhain wedi darparu hyfforddiant am sgiliau pwysig fel Mapio Prosesau a Phrofi Cysyniadau ynghyd â datblygu gwybodaeth am wahanol gamau datblygu meddalwedd, i restru ond ychydig.

Trwy fuddsoddi yn yr hyfforddiant hwn, mae'r unigolion eu hunain a Gwasanaethau Gofal Sylfaenol wedi elwa o fodolau busnes, cysyniadau a theclynnau dibynadwy a ddatblygwyd gan ddiwydiant sydd wedi eu mabwysiadu'n safon ryngwladol ar gyfer Dadansoddi Busnes gan Gymdeithas Cyfrifiaduron Prydain

Ar ôl sawl blwyddyn o hyfforddiant oedd yn cynnwys hunan-ddysgu, dysgu yn y gweithle, gweithdai a diwrnodau hyfforddiant â darparwyr hyfforddiant achrededig, mae un aelod ar ddeg o'r grŵp wedi llwyddo mewn pum arholiad, a thrwy hynny maent wedi dangos eu gwybodaeth a'u dealltwriaeth o broffesiwn Dadansoddi Busnes.

Dros y blynyddoedd, mae Gwasanaethau Gofal Sylfaenol a gwasanaethau eraill yn PCGC wedi elwa o'r sgiliau newydd hyn trwy nifer o brosiectau dan arweiniad Gwasanaethau Moderneiddio a Thechnegol Gwasanaethau Gofal Sylfaenol. Mae eu cynnydd yn y maes hwn wedi annog dau aelod arall o staff Gwasanaethau Gofal Sylfaenol i gwblhau rhai o'r modiwlau hyfforddiant eu hunain yn rhan o'u datblygiad personol.

Yn 2017, penderfynodd 6 aelod o'r grŵp y byddent yn cymryd y cam dewr o wneud cais i gael eu cydnabod yn Ymarferwyr Dadansoddi Busnes Cymdeithas Cyfrifiaduron Prydain, trwy lwyddo i ennill cymhwyster y Diploma Rhyngwladol. Yn yr arholiad hwn, caiff yr ymgeisydd gyfsweliad am awr gyda dau arbenigwr achrededig yn y maes.

Yn ystod yr arholiad, disgwyliwyd i'r ymgeiswyr allu cymhwyso'r hyn yr oeddent wedi ei ddysgu at gyddestun busnes go iawn, oedd yn cynnwys senarios busnes yn y GIG, yn y sector preifat ac yn y trydydd sector.

Roedd Gwasanaethau Gofal Sylfaenol yn falch o weld Amanda Legge, Joanne Brenton, Louise Hutchings, Matthew Wallace, Sandrine Boucle a Phennaeth Gwasanaethau Trafodol, James Goddard, yn ennill y cymhwyster hwn. Yn sgil hyn mae nifer y dadansoddwyr busnes sydd â diploma yng Ngwasanaethau Gofal Sylfaenol wedi cynyddu i wyth.

Yn ogystal, cafodd Sarah Jones (sydd ei hun yn arholwr cymwysedig gyda Chymdeithas Cyfrifiaduron Prydain) a Janice Tyler gydnabyddiaeth arbennig, gan iddynt helpu'r grŵp i baratoi ar gyfer yr arholiad llafar.



Sefydlu Labordy Cathetreiddio Symudol ym Mwrdd Iechyd Prifysgol Hywel Dda



Gweithiodd y tîm Caffael Rheng Flaen gyda thîm Rheoli Darparu Gwasanaethau Hywel Dda a staff clinigol i gaffael yn gystadleuol ateb dilys i'r angen am labordy cathetreiddio symudol. Y nod oedd defnyddio'r cyfleuster i leihau amseroedd aros ar gyfer triniaethau cardiaidd critigol i gleifion yn Hywel Dda, a hynny o chwe mis i ddim ond pythefnos dros gyfnod o saith wythnos.

Roedd y broses gaffael yn un gymhleth a wnaed dan bwysau, a hynny oherwydd amserlenni brys, gofynion clinigol penodol a'r angen i ddarparu gwasanaeth o ansawdd uchel i gleifion.

Darparodd y tîm caffael labordy gwerth am arian a dilys mewn pryd, ar y cyd â llwybr â tho i gleifion.

Am ragor o wybodaeth, cysylltwch ag Alan Binks: alan.binks@wales.nhs.uk

Y Labordy Cathetreiddio Symudol, a fydd yn helpu i leihau amseroedd aros ar gyfer triniaethau cardiaidd critigol i gleifion ym Mwrdd Iechyd Prifysgol Hywel Dda

Rhwydwaith 75 yn cynnal digwyddiad '100'

Ym mis Rhagfyr 2017, cynhaliwyd digwyddiad i fyfyrwyr Rhwydwaith 75 ym Mhrifysgol De Cymru, Pontypridd.

Nod y digwyddiad oedd dathlu'r garreg filltir bod dros 100 o fyfyrwyr wedi cymryd rhan yng nghynllun Rhwydwaith 75, ac roedd yn gyfle i'r myfyrwyr hynny, cyn-fyfyrwyr a'u mentoriaid rwydweithio a rhannu eu profiadau personol.

Mae gan Rhwydwaith 75 bum myfyriwr yn PCGC mewn nifer o'n hadrannau. Nod y cynllun yw rhoi profiad i israddedigion o weithio mewn sefydliad wrth iddynt gwblhau gradd.


Meddai Zoe Wall, sy'n gweithio i Academi Gyllid GIG Cymru a gefnogir gan PCGC:

"Dwi'n meddwl bod rhoi cyfle i fyfyrwyr a'u mentoriaid rwydweithio â gwahanol sectorau o ddiwydiant a rhannu eu profiadau personol yn syniad gwych. O'dd yn wych clywed straeon y cyn-fyfyrwyr hefyd!"

Myfyrwyr Rhwydwaith 75 yn y digwyddiad, gan gynnwys Rhys Lane (chwith pellaf), Zoe Wall (y drydedd ar y chwith), India Lloyd (yn y canol), Aidan Parkes (y trydydd ar y dde) a Josh Rowlands (yr ail ar y dde) sydd ar leoliad yn PCGC.



Yr Academi Gyllid yn cynnal cynhadledd uchel ei bri ar gyfer staff cyllid Cymru



Darren Davies, PCGC, yn siarad yn y gynhadledd

Cynhaliodd Academi Gyllid GIG Cymru ei chynhadledd flynyddol yn ddiweddar yn Stadiwm Pêl-droed Dinas Caerdydd.

Cefnogir yr Academi Gyllid gan PCGC, a daeth ei chynhadledd flynyddol o'r enw 'Llwyddo Gyda'n Gilydd' â siaradwyr o PCGC, Rolls Royce, Gwasanaeth Tân ac Achub De Cymru, Deloitte, Llywodraeth Cymru a Byrddau Iechyd ac Ymddiriedolaethau GIG Cymru oll ynghyd.

Aeth dros 150 o bobl o dimau cyllid GIG Cymru i'r gynhadledd. Thema gyffredinol y gynhadledd oedd cydweithio, gyda phwyslais ar sut mae hyn yn dechrau gyda 'ni' a sut y gallwn ein grymuso ein hunain i wneud i hyn ddigwydd.

Cadeiriwyd y gynhadledd gan Huw Jakeway, Prif Swyddog Gwasanaeth Tân ac Achub De Cymru, a chafodd ei hagor gan Alan Brace, Cyfarwyddwr Cyllid Llywodraeth Cymru, a drafododd sefyllfa ariannol bresennol GIG Cymru. Dilynwyd Alan gan Sarah Baker, Rheolwr Cyllid Cyfalaf Rolls Royce. Siaradodd am y system gwobrwy a roddodd ar waith yn ei chwmni a'r llwyddiannau a manteision a ddaeth yn ei sgil.

Ar ôl hynny cafwyd cyflwyniadau gan Russ Favager, Cyfarwyddwr Cyllid Bwrdd Iechyd Prifysgol Betsi Cadwaladr a Glyn Jones, Cyfarwyddwr Cyllid Bwrdd Iechyd Prifysgol Aneurin Bevan. Soniodd Russ am rai o'r mentrau datblygu pobl sydd ar y gweill yn yr Academi Gyllid.


Nododd Russ fod y mentrau eisoes wedi cael effaith sylweddol ar y gwaith o ddatblygu sgiliau a gwybodaeth staff cyllid ymhob rhan o GIG Cymru. Trafododd Glyn thema arloesi a sut y mae staff cyllid yn ychwanegu gwerth i'w sefydliadau.

Agorwyd ail ran y diwrnod gan Mark Osland, Cyfarwyddwr Cyllid Ymddiriedolaeth GIG Felindre, a siaradodd am themâu yn ymwneud â phartneriaeth. Dilynwyd ef gan Dr Paul Buss, Cyfarwyddwr Meddygol Bwrdd Iechyd Prifysgol Aneurin Bevan. Rhoddodd Paul gyflwyniad am rym perthnasau ariannol clinigol.

Ar ôl y cyflwyniadau hyn, bu trafodaethau â Lynne Hamilton, Cyfarwyddwr Cyllid Bwrdd Iechyd Prifysgol Abertawe Bro Morgannwg a Gus Miah, Liz May a James Banham o Deloitte. Pwnc y trafodaethau hyn oedd hybu rhagoriaeth a gwella sefydlogrwydd ariannol yn y drefn honno.

Cynhaliwyd nifer o weithdai yn y gynhadledd hefyd, a aeth i'r afael â themâu mentora, enghreifftiau patrymol Comisiwn Bevan a mireinio prif negeseuon. Cafwyd dosbarth meistr am y cyfryngau cymdeithasol gan Darren Davies hefyd, Rheolwr Cyfathrebu PCGC, o'r tîm Cyfathrebu Corfforaethol.



**Meddai Darren Davies:**

"Ro'n i wrth fy modd i gael gwahoddiad gan gyfarwyddwr yr Academi Gyllid, Rebecca Richards, i siarad â chydweithwyr cyllid. Nes i fwynhau'r drafodaeth â'r rhai ddaeth i'r digwyddiad yn fawr iawn, a dwi'n falch eu bod wedi elwa o fy sesiwn."

Darren Davies yn rhoi'r dosbarth meistr am y cyfryngau cymdeithasol i'r Academi

Pwnc y dosbarth meistr, a gynhaliwyd yng Ngholeg Caerdydd a'r Fro yng nghanol Caerdydd, oedd y cyfryngau cymdeithasol gyda sylw penodol i beth ydynt, sut y dylem eu defnyddio a pham, eu manteision a sut y gall staff eu hymgorffori yn eu bywydau personol a phroffesiynol.

Cafodd y dosbarth adborth cadarnhaol gan y rhai a ddaeth, a dysgont lawer am werth a dylanwad y cyfryngau cymdeithasol. Meddai Cydweithiwr o'r Bartneriaeth Cydwasaethau, a Phennaeth Cyllid, Martin Riley:

"R'on i'n meddwl bod y dosbarth meistr wedi bod yn rhagorol. Roedd y cynnwys yn dda ac â strwythur da, cafodd ei gyflwyno i'r bobl iawn ac roedd arddull y cyflwyno yn ddifyr."



Martin Riley
Pennaeth Cyllid



Y Labordy Profi Dyfeisiau Llawfeddygol yn llwyddo i gadw ei achrediad

SURGICAL MATERIALS TESTING LABORATORY



Mae'r Labordy Profi Dyfeisiau Llawfeddygol wedi cael ei arolygiad blynyddol gan Wasanaeth Achredu'r Deyrnas Unedig (UKAS). Nod yr ymweliad oedd asesu gallu'r Labordy i ddarparu'r gwasanaethau profi achrededig sydd ar ei restr gyhoeddedig o brofion achrededig, a hynny yn unol â gofynion ISO17025:2005 ar gyfer gwasanaethau profi.

Darparu gwasanaethau technegol a phrofi i GIG Cymru ar gyfer dyfeisiau meddygol yw prif waith y Labordy, gan alluogi Gwasanaethau Caffael ac eraill yn y GIG i gaffael ar sail tystiolaeth.

Mae'r Labordy hefyd yn darparu gwasanaethau masnachol i'r diwydiant dyfeisiau meddygol rhyngwladol, sy'n defnyddio adroddiadau'r Labordy i dendro am fusnes newydd, cyflwyno i gyrff hysbysedig at ddibenion marcio CE (safonau Ewropeaidd) a datblygu dyfeisiau a thechnolegau newydd.

Mae'r profion a gynigir yn cynnwys profi diogelwch dyfeisiau meddygol (gan gynnwys profi gwenwyndra cathetrau a phrofi am brotein ar fenig latecs), a phrofi perfformiad (megis gallu gorchuddion i ddal hylif).

Mae'n hollbwysig felly fod gan randdeiliaid y Labordy a'i gwsmeriaid hyder yn ei wasanaethau profi ac yn ei adroddiadau prawf. I gyflawni hyn, penderfynodd y Labordy gael ei achredu gan achredwr annibynnol yn y 1990au, a chafodd ei arolygiad cyntaf gan NAMAS (rhagflaenydd UKAS) ym mis Tachwedd 1995.

I gydymffurfio ag ISO 17025, rhaid i labordy profi ddangos:

- bod rheolaeth briodol dros gyfarpar profi a'i fod yn cael ei gynnal a'i galibradu'n briodol
- bod staff yn cael hyfforddiant rheolaidd a bod eu gallu yn cael ei brofi'n rheolaidd
- bod y labordy yn cymryd rhan mewn cynlluniau profi yn y labordy a rhwng labordai
- bod y labordy yn gallu ymgymryd â phroffion a chyfrifiadau ac adrodd am ganlyniadau
- bod gweithgareddau profi'r labordy'n dra chywir
- bod y labordy yn darparu adroddiadau profi cynhwysfawr
- bod systemau archwilio a rheoli yn eu lle sy'n asesu System Rheoli Ansawdd y labordy yn barhaus

Yn ystod yr arolygiad deuddydd, archwiliodd arolygwyr UKAS waith papur y Labordy a'i Safonau Rheoli Ansawdd, a chafodd staff y Labordy eu harsylwi a'u holi am brofion ar gyfer wahanol ddyfeisiau meddygol.

Eleni, daeth UKAS ag arolygydd arbenigol i arolygu'r Gwasanaeth Profi Amgylcheddol y mae'r Labordy yn ei ddarparu i Adrannau Gwasanaethau Di-haint / Unedau Sterileiddio a Dadhalogi ysbytai yng Nghymru, a chafodd staff y Labordy eu harsylwi wrth iddynt brofi'r amgylchedd yn Ysbyty Tywysoges Cymru, Pen-y-bont ar Ogwr.

Nodwyd yn adroddiad terfynol UKAS:

"Cafodd pob un o'r arddangosiadau ei berfformio gan staff profiadol a medrus a ddefnyddiodd gyfarpar a galibradwyd yn briodol mewn amgylchedd addas. Mae dulliau mewnol yn disgrifio'r profion yn cael eu perfformio'n dda a gwelwyd bod dulliau wedi eu dilysu'n dda. Mae'r labordy yn parhau i gynnig gwasanaeth da i'w gleientiaid ac mae mesurau rheoli ansawdd da ar waith."



Meddai Pete Phillips, Cyfarwyddwr y Labordy Profi Dyfeisiau Llawfeddygol:

"Rydw i wrth fy modd bod ein staff unwaith yn rhagor wedi dangos eu galluoedd a'u hyfedredd technegol wrth brofi dyfeisiau meddygol ar gyfer staff GIG Cymru a'i gleifion. Yn y flwyddyn pan symudon ni i sefydliad arall a cholli dau aelod o staff o'n Hadran Sicrhau Ansawdd oedd ond yn cynnwys tri pherson, doedd cynnal y gwasanaeth yn unol â Safon ISO 17025 ddim yn hawdd o bell ffordd. Rwy'n ffyddiog y bydd ein tîm talentog yn parhau i gefnogi'n rhanddeiliaid, a'n cydweithwyr yng Ngwasanaeth Caffael yn neilltuol, er mwyn parhau i sicrhau y caiff dyfeisiau meddygol cost effeithiol o ansawdd uchel eu caffael ar gyfer GIG Cymru."



Y Tîm Datrysiadau Digidol yn cynnal cynhadledd genedlaethol

Cynhaliodd y Tîm Datrysiadau Digidol eu cynhadledd genedlaethol yn Stadiwm Principality, Caerdydd, yn ddiweddar. Aeth Arbenigwyr Pwnc a Rheolwyr Dysgu a Datblygu i'r gynhadledd o wahanol sefydliadau sector cyhoeddus yng Nghymru.

Aeth dros 100 o bobl i'r digwyddiad, a chafodd y gynhadledd ei hagor gan Gyfarwyddwr y Gweithlu a Datblygu Sefydliadol, Hazel Robinson. Eglurodd Hazel daith Tîm Dysgu Digidol GIG Cymru a'r defnydd o borth *Electronic Staff Record* (ESR).

Nod y diwrnod oedd adolygu deg modiwl y Fframwaith Hyfforddiant Sgiliau Craidd y mae rhaid i bob un o staff y GIG ei gwblhau. Cafwyd hefyd y wybodaeth ddiweddaraf gan yr Arbenigwyr Pwnc am gynnydd adolygiad blynyddol pob modiwl, a roddodd y cyfle i fynychwyr drafod unrhyw ymholiadau oedd ganddynt â'r Arbenigwyr Pwnc yn uniongyrchol.

Yn dilyn hyn, aeth Helen Thomas, Dirprwy Reolwr Rhaglen ESR, i'r afael â'r defnydd effeithlon o ESR, a siaradodd am sut y gall alluogi sefydliadau i roi'r gorau i ddefnyddio papur.

Roedd Amanda Lowdon, Ymgynghorydd Swyddogaeth ESR y GIG, ymhlith y prif siaradwyr hefyd, a rhoddodd gyflwyniad am sut i ddefnyddio nodweddion ESR.

Ar ôl hynny, cafodd y cynrychiolwyr gyfle i drafod beth y byddent yn rhoi'r gorau i'w wneud, beth y byddent yn dechrau ei wneud a beth y byddent yn parhau i'w wneud er mwyn gwella eu systemau a'u prosesau wrth ddefnyddio ESR.



Hazel Robinson yn siarad â mynychwyr y gynhadledd



Helen Thomas yn annerch mynychwyr y gynhadledd



Mynychwyr yn mwynhau'r sesiynau Gweithdy

Roedd yr adborth am y digwyddiad yn hynod o gadarnhaol, a dyma oedd gan rai o'r mynychwyr i'w ddweud:

"Gweithdy gwych, oedd wedi ei drefnu'n dda. Diolch."

"Mae cael yr arbenigwyr ar ESR mewn un ystafell bob tro yn fuddiol. Roedd yn drafodaeth fywiog iawn."

"Roedd y cyfle i rwydweithio yn hynod o ddefnyddiol. Roed hefyd yn wych cael clywed am yr heriau o ran cysondeb y dysgu mewn gwahanol sefydliadau yn y GIG."



Gwasanaethau Caffael yn cynorthwyo ag Uned SurNICC yn Ysbyty Glan Clwyd



Yn ddiweddar, agorodd ran gyntaf Canolfan Is-ranbarthol ar gyfer Gofal Dwys i'r Newydd-anedig Ysbyty Glan Clwyd, a gostiodd £18 miliwn.

Bydd yr uned yn gofalu am fabanod newydd-anedig o bob rhan o'r Gogledd sydd ag anghenion gofal sylweddol. Mae rhan gyntaf y prosiect yn cynnwys adeiladu'r uned newydd, a fydd yn gartref i bum cot gofal dwys, pum cot dibyniaeth uchel a naw cot gofal arbennig.

Mae'r uned newydd hefyd yn cynnwys uned ynysu bwrpasol, gwasanaeth gofal trosiannol i gadw mamau a babanod newydd-anedig gyda'i gilydd ynghyd â llety i rieni ar y safle, fel bod modd i rieni sydd â babanod cynamserol a sâl dreulio cymaint o amser â'u plentyn â phosibl.

Mae'r ganolfan yn bodloni'r safonau gofal iechyd diweddaraf ym maes gofal newyddenedigol, ac mae'n darparu gwell cyfleusterau i deuluoedd babanod ar yr uned ac i staff newyddenedigol.

Bydd y ganolfan yn gweithio ochr yn ochr ag unedau babanod newydd-anedig a mamolaeth yn Ysbyty Gwynedd a Wrecsam Maelor i ddarparu gofal ar y cyd i fabanod sâl a chynamserol ledled y Gogledd.

Mae'r tîm Caffael Lleol yn Nhŷ Alder, Llanellwyr, wedi bod yn cydweithio dros y 12 mis diwethaf â Thîm Rheoli'r prosiect, staff yr uned a'r adran Beirianneg Electro-Fiofeddygol, wrth ddod o hyd i'r cyfarpar a'r dodrefn arbenigol ar gyfer y prosiect a'u caffael.

Mae'r prosiect yn cyd-fynd yn dda â gwerthoedd craidd PCGC o Wrando a Dysgu a Gweithio Gyda'n Gilydd.

Mae adeiladu ail ran y prosiect, sy'n cynnwys cotiau gofal arbennig a dibyniaeth uchel ychwanegol, wedi dechrau ar y safle oedd yn arfer bod yn gartref i Uned Gofal Arbennig Babanod. Ar ôl ei gorffen mewn ychydig fisoedd, caiff y ddwy ran eu cyfuno i wneud yr uned yn gwbl weithredol.

Bydd y timau lleol yn parhau i gynorthwyo'r prosiect yn ystod y cyfnod hwn, gan gaffael y cyfarpar ychwanegol y bydd ei angen ar gyfer yr ail ran.



ISO 9001

Llwyddiant Rheoli Ansawdd



Nod PCGC yw darparu gwasanaethau o'r radd flaenaf ac mae llwyddo i ennill ardystiad Safon Rheoli Ansawdd ISO 9001 yn gam pwysig ar y daith tuag at gyflawni hynny.

Mae Cyfarwyddiaeth Gwasanaethau Caffael wedi llwyddo i ennill argymhelliad i gael ei hardystio ar gyfer ei thimau Cyfrifon Taladwy (De), e-Alluogi a Chaffael yn Nhŷ Mamheilad (Bwrdd Iechyd Prifysgol Aneurin Bevan), Tŷ Brycheiniog (Bwrdd Iechyd Caerdydd a'r Fro), Ysbyty Glangwili (Bwrdd Iechyd Prifysgol Hywel Dda) a Thŷ Alder (Bwrdd Iechyd Prifysgol Betsi Cadwaladr).

Cynhaliwyd yr archwiliad, a wnaed gan gorff ardystio annibynnol, dros ddau ddiwrnod ac roedd yn archwiliad llwyddiannus iawn. Ni chodwyd yr un achos o ddiffyg cydymffurfio, ac mae hyn yn cydnabod ymdrechion ein staff i gydymffurfio nid yn unig â gofynion llywodraethu a rheoleiddio, ond â gofynion ein cwsmeriaid hefyd.

Canmolodd yr archwilydd y timau ar eu hymrwymiad i wasanaeth cwsmeriaid ac ansawdd. A ninnau wedi gwella ar ein hardystiad presennol, mae'r rhan fwyaf o Wasanaethau Caffael a'u safleoedd wedi eu cynnwys o dan y Safon Ansawdd.

Wrth longyfarch y staff meddai Mark Roscrow, Cyfarwyddwr Gwasanaethau Caffael, fod hyn, ar y cyd â bod yn agenda heriol, yn

"gam pwysig arall ymlaen ar y daith i well ansawdd a bod yn wasanaeth o'r radd flaenaf."



Tîm Caerdydd a'r Fro



Clare Tracy a Natalie Hole o Gyfrifon Taladwy, Tŷ'r Cwmniau, Caerdydd



Tîm e-Alluogi

ISO 9001

RHEOLI ANSAWDD

Caffael Ar Sail Gwerth

Mae Gwasanaethau Caffael ar flaen y gad ym maes Gofal Iechyd ledled y DU yn sgil datblygu dull Caffael Ar Sail Gwerth. Gan weithio'n agos â Bwrdd Iechyd Prifysgol Aneurin Bevan, mae Gwasanaethau Caffael wedi sicrhau cyllid am 3 blynedd gan Lywodraeth Cymru (trwy raglen Effeithlonrwydd Trwy Dechnoleg) i ddatblygu'r dull a'i roi ar waith.

Mae'r dull yn asesu gwerth fel rhywbeth sy'n deillio o'r canlyniad wedi ei rannu gan gost, ac mae'n rhoi Canlyniadau Clinigol a Chanlyniadau'r Claf wrth wraidd y broses o wneud penderfyniadau caffael a'r gwaith o reoli perfformiad contractau.


Yn seiliedig ar waith Ysgol Fusnes Harvard a'r *Boston Consulting Group*, model contractiol â chanlyniadau'n ganolbwynt iddo yw byrdwn y broses, lle caiff y risg ei gosod ar y cyflenwr a lle caiff gwell canlyniadau eu gwobrwyo, yn hytrach na'r penderfyniadau caffael traddodiadol sy'n seiliedig ar fanylebau cynnyrch a phris cydrannau unigol.

Mae'r dull hefyd yn ymgorffori egwyddorion Iechyd Darbodus ac mae'n helpu i ddileu'r rhwystrau rhag mabwysiadu arloesedd.

$$\frac{\text{Canlyniad}}{\text{Costau}} = \text{Gwerth}$$

“Os bydd gwerth yn cynyddu, yna bydd cleifion, darparwyr gofal iechyd a chyflenwyr oll ar eu hennill”.

- The New England Journal of Medicine, What is Value in Health Care; Michael E Porter PhD




Y diffiniad o Gaffael Ar Sail Gwerth

Sut i gysylltu “Gofal Iechyd Ar Sail Gwerth” a “Caffael Cyhoeddus”

Mae Gofal Iechyd Ar Sail Gwerth yn fodel sy'n prysur ddatblygu ac mae ganddo'r pŵer i newid gofal iechyd. Ond er mwyn iddo gael effaith wirioneddol, mae'n rhaid iddo fod yn rhan o bob penderfyniad wrth ddarparu gofal.

Mae'n rhaid mai sicrhau'r gwerth gorau i gleifion yw nod cyffredinol darparu gofal iechyd, gyda gwerth wedi ei ddiffinio fel y canlyniadau iechyd a gaiff ei gyflawni fesul punt a gaiff ei wario. Y nod hwn sy'n bwysig i'r 'person', ac mae'n uno pawb sydd yn y system.



Y nod yw dechrau gweithredu dull Caffael Ar Sail Gwerth pan gaiff Gofal Iechyd Ar Sail Gwerth ei weithredu ledled GIG Cymru a phan gaiff setiau data safonol o'r Consortiwm Rhyngwladol ar gyfer Mesur Canlyniadau Iechyd eu mabwysiadu. Mae'r Consortiwm Rhyngwladol ar gyfer Mesur Canlyniadau Iechyd yn sefydliad nid-er-elw sy'n gysylltiedig ag Ysgol Fusnes Harvard. Ei nod yw sicrhau cysondeb wrth fesur canlyniadau iechyd ledled y byd.

Mae gan y Consortiwm 21 set ddata sy'n benodol i glefydau, ac mae GIG Cymru wrthi'n mabwysiadu'r rhain wrth gofnodi canlyniadau cleifion.

Bydd Rhaglen Caffael Ar Sail Gwerth yn datblygu Fframwaith Gweithredu er mwyn sicrhau y caiff y dull ei roi ar waith mewn modd systematig. Bydd hyn yn cynnwys disgrifio prosesau i gefnogi Caffael Ar Sail Gwerth yn GIG Cymru yn ei gyfanrwydd a chefnogi datblygu system gofal gwahanol i Gymru (ond heb fod yn gyfyngedig i hyn).



Gan adeiladu ar gryfderau traddodiadol caffael cynnyrch yng Nghymru, bydd Fframwaith Caffael Ar Sail Gwerth yn annog craffu manwl ar y broses o gyflenwi cynnyrch a llif cleifion, fel bod gwybodaeth well am y costau ehangach.

Yn y pen draw, bydd y ffocws ar y claf o gymorth i'r broses ac i'r cynnyrch, a bydd yn galluogi GIG Cymru i ailasesu ei ofynion er mwyn sicrhau ei fod yn darparu gwerth gwirioneddol am arian.

Bydd tri maes ffocws i'r fframwaith:

• **Cynnyrch:**

Hyd yma, mae proses safoni PCGC er sicrhau ansawdd o'r enw 'Unwaith dros Gymru' wedi galluogi Gwasanaethau Caffael i weithio gyda rhanddeiliaid a gosod safonau ansawdd ar gyfer dewis cynnyrch. Trwy hynny, mae modd dyfarnu contractau yn ôl y pris gorau gan barchu gofynion ansawdd. Mae'r dull hwn â hanes o lwyddo, a bydd yn briodol i nifer o feysydd gwariant.

• **Proses: Ffocws ar Effeithlonrwydd**

Fe'i derbynnir bod angen ystyried cyfanswm y costau yn hytrach na phris prynu nwyddau yn unig. Mae nifer o fodelau wrthi'n cael eu cyflwyno a fydd yn hwyluso gwell tryloywder ac asesiadau o gostau y tu hwnt i gost y cynnyrch. Defnyddir dull *Time Driven Activity Based Costing a Patient Level Costing* ledled GIG Cymru erbyn hyn. Mae'r modelau hyn yn galluogi defnyddwyr i ddysgu ar sail profiad i osgoi cost a gwella effeithlonrwydd.

• **Y Claf: Y Ffocws ar Effeithlonrwydd a Chanlyniadau**

Nod Caffael Ar Sail Gwerth ym maes gofal iechyd yn y pendraw yw sicrhau mai ar y claf y mae'r sylw. Mae hyn yn golygu bod canlyniadau clinigol a chanlyniadau cleifion yn llywio'r gofynion, a bod y dull o fesur yn hwyluso gwell rheolaeth o contractau. Bydd hyn o fudd wedyn i'r claf ac i'r system gofal iechyd.





Ambiwlans Awyr Cymru yn ymweld â'r pencadlys yn Nantgarw

Roedd staff PCGC yn falch iawn o gael cyflwyniad gwych gan Catrin Hall, Cydlynnydd Cymunedol Gwasanaeth Ambiwlans Awyr Cymru, ym mis Chwefror 2018.

Cafodd ei roi ym mhencadlys PCGC yn Nantgarw gerbron ystafell oedd dan ei sang. Siaradodd Catrin am hanes y gwasanaeth, ei waith ar hyn o bryd a'i gynlluniau ar gyfer y dyfodol. Mae'r gwasanaeth yn amhriiadwy i'w ddefnyddwyr, ac mae PCGC yn edrych ymlaen at weithio ag Ambiwlans Awyr Cymru yn y dyfodol.



Catrin gyda Chyfarwyddwr Cyllid a Gwasanaethau Corfforaethol Andy Butler (ar y chwith) a Rheolwr Gyfarwyddwr PCWC Neil Frow (ar y dde).

Beth yw Ambiwlans Awyr Cymru?


Mae Ambiwlans Awyr Cymru yn elusen ar gyfer Cymru gyfan sy'n darparu gwasanaeth awyr brys i'r rhai sy'n wynebu salwch neu anafiadau sy'n bygwth bywyd.

Mae Ambiwlans Awyr Cymru yn gwasanaethu Cymru gyfan bob dydd. Bob blwyddyn, mae eu hofrenyddion gwneud dros 2,500 o deithiau, gan wasanaethu ardaloedd cefn gwlad, trefi a dinasoedd prysur, yr arfordir a mynyddoedd mawr. Mae ei safleoedd yng Nghaernarfon, Llanelli, y Trallwng a Chaerdydd yn barod i achub bywydau lle bynnag y bo angen.

Beth yw cost rhedeg y gwasanaeth?

Pobl Cymru sy'n ariannu Ambiwlans Awyr Cymru; mae'r gwasanaeth yn dibynnu'n llwyr ar gefnogaeth y cyhoedd i gadw'r hofrenyddion yn hedfan. Nid yw'r elusen yn derbyn cyllid yn uniongyrchol oddi wrth y Llywodraeth, ac nid oes modd iddi dderbyn arian oddi wrth y Loteri Genedlaethol chwaith. Rhoddion elusenol, digwyddiadau codi arian ac aelodaeth o'r Loteri Achub Bywyd fewnol sy'n cadw'r hofrenyddion yn yr awyr. Mae'n rhaid i'r gwasanaeth godi £6.5 miliwn bob blwyddyn i gynnig y gwasanaeth, ac mae pob taith yn costio £1,500 ar gyfartaledd.

Ystadegau Allweddol



Cyflwyno Tîm Cynnal a Chadw Cymru Gyfan



Mae PCGC wedi sefydlu Tîm Cynnal a Chadw Cymru Gyfan (yn y llun), a fydd yn delio â phob agwedd ar gaffael ym maes cynnal a chadw. Mae'r tîm yn mynd ati'n rhagweithiol i reoli contractau cynnal a chadw, gan weithio gyda chwsmeriaid i gytuno ar ofynion, cytuno ar faint o gymorth fydd ei angen, dod o hyd i'r gwerth gorau am arian, rheoli contractau tra eu bod yn weithredol ynghyd â gweithio gyda hwy i adnewyddu contractau. Mae'r tîm wedi ei leoli yn Ysbyty Castell Nedd Port Talbot, Bwrdd Iechyd Abertawe Bro Morgannwg.

Ar hyn o bryd, mae'r Tîm Cynnal a Chadw yn rheoli 2,092 o gontractau. Fodd bynnag, mae nifer helaeth o gontractau sydd eto i drosglwyddo inni.

Mae'r tîm Cynnal a Chadw wedi mabwysiadu dull categori, ac mae'r portffolio wedi eu trefnu yn ôl y categorïau canlynol: Ystadau (sy'n cynnwys Gwasanaethau Dadhalogi a Gwesty); TG a Chyfathrebu; Meddygol; Labordy a Radioleg. Mae'r dull hwn, felly, yn datblygu arbenigedd mewn categorïau gwahanol a thrwy hynny mae'r tîm yn dod yn arbenigwyr yn eu maes eu hunain. Mae hyn yn rhoi hyder i gwsmeriaid eu bod yn cael y cymorth ac arweiniad priodol.

Mae cydymffurfio â gofynion statudol a rheoliadau, ac â Chyfarwyddiadau Ariannol Sefydlog, yn hanfodol a bydd y tîm Cynnal a Chadw yn sicrhau y caiff hyn ei gyflawni. Fodd bynnag, dylid cydnabod bod y llwybr i'r farchnad ar gyfer contractau yn dibynnu ar y penderfyniadau a wneir wrth brynu. Mae'r dewis o gyfarpar yn llywio a oes angen cystadleuaeth ai peidio, ac mae'n rhaid cofnodi hyn wrth wneud penderfyniadau.

Bydd hyn yn sicrhau bod modd inni ganolbwyntio'n sylw a'n hadnoddau ar feysydd gwaith newydd sydd â'r gallu i arbed arian inni, a hynny heb beryglu'n Rhaglen Contract bresennol.

Fodd bynnag, mae cyfathrebu rhwng pob parti yn hollbwysig a rhaid iddo fod yn barhaus (rhwng Cwsmeriaid, Caffael Lleol, y Tîm Cynnal a Chadw a Chontractwyr). Bydd hyn yn sicrhau bod y contractau'n parhau i fod yn addas at y diben ac yn berthnasol. Mae hyn yn angenrheidiol fel bod y tîm cynnal a chadw yn cael gwybod am unrhyw gyfarpar a gaiff ei gaffael, fel bod modd ei ychwanegu at y contract. Mae hyn hefyd yn berthnasol i gyfarpar sydd wedi ei ddisodli neu i gyfarpar na chaiff ei ddefnyddio mwyach, fel bod modd ei ddileu o'r contract. Mae ymgysylltu â chwsmeriaid yn hollbwysig, ac heb hyn ni fyddai modd inni gyflawni rhyw lawer.

Byddai'r dull Rheoli Categorïau yn gyflawn pe bai pob contract wedi ei drosglwyddo i'r Tîm Cynnal a Chadw, a dyma beth mae PCGC yn bwriadu'i wneud. Un o'r manteision fydd safoni ymarfer gorau ym maes caffael a chontractio unwaith dros Gymru.

Bydd hefyd yn sicrhau gwerth am arian a bod y premiymau cynnal a chadw yn gyson ledled Cymru. Hefyd, byddai un pwynt cyswllt ar gyfer Cwsmeriaid a Chontractwyr ar gyfer Cynnal a Chadw.

Am ragor o wybodaeth, cysylltwch â Romano Provini: romano.provini@wales.nhs.uk

Gwasanaethau Caffael yn helpu i gaffael system arddweud digidol ym Mwrdd Iechyd Caerdydd a'r Fro


Mae arddweud digidol yn wahanol i adnabod lleferydd. Caiff sain ei dadansoddi gan gyfrifiadur gan ddefnyddio algorithmau lleferydd i geisio trawsgrifio dogfen. Gall y teipydd ddewis rhwng teipio dogfen â llaw, neu ddefnyddio meddalwedd i drosi dogfen i destun. Mae'r dechnoleg wrthi'n datblygu, ac mae mwy a mwy o nodweddion yn cael eu datblygu i gefnogi'r gwaith o gymryd cofnodion a nodiadau cleifion.

Mae Bwrdd Iechyd Prifysgol Caerdydd a'r Fro wedi dyfarnu contract i Wasanaeth Geneteg Meddygol Cymru Gyfan yn ddiweddar, i ddisodli system arddweud digidol presennol y Bwrdd â system gwell sydd â nodweddion ychwanegol.

Mae rhai yn y Bwrdd Iechyd yn defnyddio Arddweud Digidol ar hyn o bryd, ond y bwriad yw cyflwyno hyn i bob un o wasanaethau Bwrdd Clinigol Gwasanaethau Arbenigol (sef Cardioleg, Gofal Critigol, Haematoleg, Imiwnoleg, y Niwrowyddorau, Arenneg a Thrawsblannu). Bydd Arddweud Digidol yn arbed llawer iawn o waith teipio i ysgrifenyddion meddygol, a bydd modd uwchlwytho arddywediadau digidol i ddictaffonau poced.

Mae'r system yn galluogi ysgrifenyddion a chlinigwyr i anfon trawsgrifiadau yn ôl ac ymlaen hyd nes eu bod wedi eu cwblhau. Bydd modd storio llythyrau sydd wedi eu teipio yn y system hefyd. Wedyn bydd modd gwirio'r llythyrau'n electronig cyn eu postio. Bydd y system hefyd yn galluogi ysgrifenyddion i flaenoriaethu pob arddywediad. Ni wyddys eto ai trwy Gyfnodolyn Swyddogol yr Undeb Ewropeaidd y caiff ei gaffael, neu drwy fframwaith. Mae gweithgor wedi ei sefydlu i frwr ymlaen â hyn ledled y Bwrdd Clinigol.

Am ragor o wybodaeth, cysylltwch â Nadine Stokes: nadine.stokes@wales.nhs.uk



Llongyfarchiadau ar eich ymddeoliad

Llongyfarchiadau i Phil Jones, ein cydweithiwr o Wasanaethau Gofal Sylfaenol, a gyhoeddodd yn ddiweddar y bydd yn ymddeol ar ôl bron i 40 mlynedd o wasanaeth i GIG Cymru.

Dechreuodd Phil ar ei yrfa yn y GIG ym mis Awst 1978, yn Francis Well yng Nghaerfyrddin. Ar ôl hynny aeth i weithio i Bwyllgor Ymarferwyr Teulu y Gwasanaeth Iechyd Teulu, cyn symud i Awdurdod Iechyd Dyfed Powys.

Yn dilyn ad-drefnu, symudodd Phil o Gaerfyrddin i Abertawe i weithio yng Nghanolfan Gwasanaethau Busnes Ymddiriedolaeth GIG Powys. Ar ôl hynny, aeth Phil i weithio i Wasanaethau Gofal Sylfaenol pan gafodd PCGC ei sefydlu.

Wrth fyfyrrio ar ei ddiwrnod olaf yn PCGC, meddai Phil:

"Diolch yn fawr iawn ichi i gyd, mae'ch cardiau a'ch dymuniadau da wedi fy nghyffwrdd. Mae 39 a hanner o flynyddoedd yn amser hir - roedd rhai ohonoch heb eich geni pan ddechreuais i. Mae'n chwithig meddwl fy mod wedi gweithio i'r GIG am hanner ei fodolaeth, ac yntau'n 70 mlwydd oed. Unwaith eto, diolch yn fawr iawn a dymunaf y gorau i bob un ohonoch chi yn y dyfodol".



Phil Jones (ar y dde) gyda Chyfarwyddwr Gwasanaethau Gofal Sylfaenol Dave Hopkins

Ymddeoliad

Hapus

Gwasanaethau Caffael yn cefnogi'r gwaith o adeiladu Ysbyty Athrofaol Llanfdechfa

Mae'r ysbyty yn Ganolfan Gofal Critigol £350 miliwn yn Llanfdechfa, Tor-faen. Erbyn cwblhau'r ysbyty bydd ganddo 470 o welyau, a bydd yn darparu gofal aciwt ar gyfer y cyflyrau mwyaf difrifol i boblogaeth Gwent pan fydd yn agor ym mis Mawrth 2021.

Mae llawer iawn o waith wedi ei wneud ar y safle ers dechrau'r gwaith tir ym mis Gorffennaf 2017. Mae 600 o byst concriid wedi eu suddo 60 metr i mewn i'r ddaear, a fydd yn ffurfio'r sylfeini cadarn sydd eu hangen i gynnal strwythur yr ysbyty. Mae'r waliau cynnal, a fydd yn cadw'r meintiau anferth o bridd sydd wedi ei gloddio y tu ôl iddynt, wrthi'n cael eu codi o amgylch y safle. Bydd y craen tŵr cyntaf yn cyrraedd y safle mewn ychydig wythnosau ac yn fuan ar ôl hynny bydd modd gweld ychydig o adeilad yr ysbyty am y tro cyntaf. Bydd Bwrdd Iechyd Prifysgol Aneurin Bevan wrthi'n ymgymryd â rhaglen drawsnewidiol sylweddol o'r enw Dyfodol Clinigol. Bydd y trawsnewidiad hwn yn gwella gofal iechyd ar gyfer y boblogaeth leol.

Mae'r rhaglen hon ar droed erbyn hyn, a chan fod disgwyl i'r adeilad gael ei drosglwyddo ym mis Medi 2020 mae'r tîm caffael ar y safle yn Llanfdechfa wedi dechrau gweithio â staff adrannol i ddatblygu rhestri o gyfarpar ar gyfer yr ysbyty. Byddwn yn cyhoeddi diweddariadau am gynnydd y prosiect adeiladu cyffrous, heriol a phroffil uchel hwn yn rheolaidd.



Radiolegwyr a gweithwyr delweddu proffesiynol mewn seminar yn ddiweddar Mae Academi Ddelwedd Genedlaethol newydd yn cael ei sefydlu i'w hyfforddi.



Gwasanaethau Caffael yn cefnogi'r Academi Newydd i hyfforddi'r genhedlaeth nesaf o radiolegwyr

Mae'r Adran Cyfarparu Cyfalaf yn rhan o gynllun cyffrous newydd ym Mhen-y-Bont ar Ogwr. Mae academi newydd i'w sefydlu yng Nghymru i hyfforddi'r genhedlaeth nesaf o radiolegwyr a gweithwyr delweddu proffesiynol, a fydd yn agor yng nghanol 2018.

Bydd Academi Ddelweddu Genedlaethol newydd Cymru, sy'n cael ei sefydlu gyda chyllid o £3.4 miliwn gan Lywodraeth Cymru, yn gyfleuster pwrpasol blaenllaw a fydd yn hyfforddi 20 darpar radiolegydd bob blwyddyn. Bydd yr Academi ym Mharc Busnes Pen-coed, nepell o gyffordd 35 ar yr M4.

Bydd yr Academi yn dysgu cwricwlwm Coleg Brenhinol y Radiolegwyr mewn cyfleuster pwrpasol gydag ystafelloedd TG, labordai sgiliau sydd â chyfleusterau hyfforddiant efelychiad a theatr ddarlithio. Bydd Radiolegwyr Ymgynghorol o bob cwr o Dde Cymru yn rhoi darlithoedd, arwain seminarau a goruchwylio sesiynau adrodd yn yr Academi. Bydd e-ddysgu ar gael ar y cyd ag addysg ddidactig, a bydd gwerslyfrau a chyfarpar yn cael eu defnyddio hefyd.

Caiff y radiolegwyr dan hyfforddiant eu dysgu sut i adrodd am astudiaethau delweddu ar Systemau Archifo Lluniau a Chyfathrebu'r Academi - o dan oruchwyliaeth hyfforddwyr yn y lle cyntaf, ond yn annibynnol wedyn lle bo hynny'n briodol.

Bydd gwaith y myfyrwyr yn dod o'r ysbytai lleol o bryd i'w gilydd, a bydd hyn yn golygu y bydd y myfyrwyr yn ennill profiad o driniaethau ac achosion prin.

Bydd peiriannau uwchsain ar y safle, fel bod modd cynnig hyfforddiant strwythuredig gyda chleifion. Am ragor o wybodaeth, cysylltwch â Sam Pennington: samantha.pennington@wales.nhs.uk neu Nicola Griffiths: nicola.griffiths8@wales.nhs.uk



MEWN PARTNERIAETH

Ychwanegu Gwerth drwy Bartneriaeth



Gwanwyn 2018

Os oes gennych chi unrhyw eitemau
newyddion ar gyfer
'Mewn Partneriaeth', cysylltwch â
Nathan Williams, Swyddog e-Gyfathrebu

E-bost: nathan.williams@wales.nhs.uk

Ffôn: 01443 848537

Dyluniwyd a chynhyrchwyd gan
Dîm Dylunio Graffeg PCGC



GIG
CYMRU
NHS
WALES

Partneriaeth
Cydwasaethau
Shared Services
Partnership